

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-115/23  
Sarajevo, 27.1.2023. godine

**Z A P I S N I K**  
**KONSTITUIRAJUĆE SJEDNICE DOMA NARODA PARLAMENTA FEDERACIJE**  
**BOSNE I HERCEGOVINE, održane 17.1. i 27.1.2023. godine**

Sjednica je počela sa radom u 12:23 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio prisutne te najavio da će biti intonirana himna Bosne i Hercegovine.

Nakon intoniranja himne, predsjedavajući je pozdravio i predsjednika Federacije BiH gospodina Marinka Čavaru, članove Centralne izborne komisije i predstavnike Ureda visokog predstavnika u BiH i Delegaciju EU.

Predsjedavajući je najavio da će Stručna služba prozivati jednog po jednog delegata, te zamolio da po preuzimanju mandata potpišu izjave koje će im biti dostavljene.

Predsjedavajući je obavijestio prisutne da sjednici prisustvuje 78 delegata, te da ima delegata koji iz opravdanih razloga, zbog smrtnih slučajeva, nisu mogli prisustvovati sjednici te napomenuo da će njihove mandate verificirati u nastavku sjednice.

Predsjedavajući je pozvao gospodina Suada Arnautovića, predsjednika Centralne izborne komisije BiH, da u skladu sa Izbornim zakonom BiH uruči uvjerenja o izboru delegata u Dom naroda Parlamenta Federacije BiH.

Gospodin Arnautović se potom obratio prisutnim i saopštio da je Centralna izborna komisija BiH na 105. sjednici, održanoj 30.12.2022. godine donijela Odluku o potvrđivanju rezultata posrednih izbora i dodjeli mandata za Dom naroda Parlamenta Federacije BiH, koja je objavljena u Službenom glasniku BiH, broj 2/23 od 6.1. ove godine, te najavio da će se pristupiti dodjeli odnosno uručivanju certifikata.

### **3. Davanje zakletve**

Alma Varaki iz Stručne službe Doma naroda je potom izvršila prozivku delegata za preuzimanje uvjerenja o dodjeli mandata.

Predsjedavajući je napomenuo prisutne delegate da, ukoliko to već nisu učinili, predaju izjave o prihvatanju mandata službenicima Stručne službe Doma naroda, te ih pozvao da daju zakletvu tako što će tekst zakletve ponavljati za njim.

Nakon davanja svečane zakletve, predsjedavajući je čestitao delegatima.

Potom se prešlo na utvrđivanje dnevnog reda.

Na osnovu rezultata glasanja, predsjedavajući je konstatovao da je Dom naroda, sa 68 glasova za usvojio predloženi dnevni red, bez glasova protiv i bez suzdržanih glasova.

## D N E V N I R E D

1. Izbor Privremene mandatno-imunitetske komisije Doma naroda Parlamenta Federacije Bosne i Hercegovine,
2. Izvještaj Privremene mandatno-imunitetske komisije Doma naroda Parlamenta Federacije Bosne i Hercegovine,
3. Davanje zakletve,
4. Izbor privremenih radnih tijela Doma naroda:
  - a) Privremene komisije za izbor i imenovanja Doma naroda Parlamenta Federacije Bosne i Hercegovine,
  - b) Privremene administrativne komisije Doma naroda Parlamenta Federacije Bosne i Hercegovine,
  - c) Privremene zakonodavno-pravne komisije Doma naroda Parlamenta Federacije Bosne i Hercegovine,
  - d) Privremenog odbora za ekonomsku i razvojnu politiku, finansije i budžet Doma naroda Parlamenta Federacije Bosne i Hercegovine,
5. a) Izbor predsjedavajućeg Doma naroda Parlamenta Federacije Bosne i Hercegovine,  
b) Izbor potpredsjedavajućeg Doma naroda Parlamenta Federacije Bosne i Hercegovine,
6. Izbor delegata u Dom naroda Parlamentarne skupštine Bosne i Hercegovine.

- 1. Izbor Privremene mandatno-imunitetske komisije Doma naroda Parlamenta Federacije Bosne i Hercegovine,**
- 2. Izvještaj Privremene mandatno-imunitetske komisije Doma naroda Parlamenta Federacije Bosne i Hercegovine,**

Predsjedavajući je obavijestio prisutne da je za verifikovanje mandata delegata u Domu naroda Parlamenta Federacije BiH potrebno imenovati Privremenu mandatno-imunitetsku komisiju na način da se imenuje sedam delegata iz reda svih naroda i najzastupljenijih političkih stranaka.

Predsjedavajući je napomenuo da sjednici prisustvuje 79 delegata, da je odsutan samo jedan delegat iz opravdanih razloga i saopštio da će se njemu zbog smrtnog slučaja u porodici mandat naknadno verifikirati u nastavku Konstituirajuće sjednice.

Predsjedavajući je, nakon toga, za članove Privremene mandatno-imunitetske komisije predložio sljedeće delegate:

1. Vibor Handžić, predsjednik,
2. Tomislav Mandić, zamjenik,
3. Ivan Odak, član,
4. Irma Memidžan, članica,
5. Mladen Lonić, član,
6. Izen Hajdarević, član,
7. Dragana Damjanović, članica.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 76 glasova za, bez suzdržanih i bez glasova protiv, prihvatio Prijedlog Privremene mandatno-imunitetske komisije.

Predsjedavajući je nakon toga dao pauzu od 10 minuta, da bi se Mandatno-imunitetska komisija sastala i verificovala ono što je Dom konstatovao.

Nakon pauze, predsjednik Privremene mandatno-imunitetske komisije, Vibor Handžić se obratio prisutnima i istakao da je Privremena mandatno-imunitetska komisija 17.1.2023. godine održala 1. sjednicu na kojoj je razmatrala Odluku Centralne izborne komisije BiH o potvrđivanju rezultata posrednih izbora i dodjeli mandata u Domu naroda Parlamenta Federacije BiH („Službeni glasnik BiH“, broj 1/23), i pročitao Domu naroda sljedeći

## I Z V J E Š T A J

Privremena mandatno-imunitetska komisija razmatrala je Odluku Centralne izborne komisije BiH o potvrđivanju rezultata posrednih izbora i dodjeli mandata u Domu naroda Parlamenta Federacije BiH („Službeni glasnik BiH“, broj 1/23) te su članovi Komisije nakon rasprave konstatovali da je Centralna izborna komisija BiH u skladu sa odredbama Izbornog zakona BiH i Uputstva o postupku provođenja posrednih izbora za organe vlasti u BiH obuhvaćenih Izbornim zakonom BiH („Službeni glasnik BiH“, br. 75/22 i 83/22) dodijelila mandate za Dom naroda Parlamenta Federacije BiH sljedećim delegatima:

Delegati iz reda bošnjačkog naroda: Azhar Sejarić, Mehmed Mahmić, Emir Dautović, Mehmed Memišević, Dževad Hadžić, Muamer Zukić, Senad Alić, Izen Hajdarević, Damir Šišić, Fahrudin Čolaković, Mirnes Bašić, Amra Babić, Almina Sivić, Nezim Alagić, Aida Obuća, Amir Orlović, Eldin Delić, Irma Memidžan, Haris Zahiragić, Fatima Gavrankapetanović-Smailbegović, Kemal Ademović, Irfan Čengić i Hikmet Hodžić.

Delegati iz reda hrvatskog naroda: Tanja Šantić, Ilija Ilić, Silva Banović, Marina Mujkanović, Ivo Tadić, Berina Fejzić, Anto Bilić, Boris Mrnjavac, Ilija Nakić, Ivo Šimunović, Ivan Odak, Oliver Soldo, Tomislav Martinović, Damir Džeba, Iva Raguž, Milan Ševo, Ivana Zrimšek-Šaravanja, Tomislav Mandić, Ivica Pavković, Damir Marjanović, Ivan Ivić, Mladen Šarić i Dragan Konta.

Delegati iz reda srpskog naroda: Mladen Lonić, Kamenjaš Svetlana, Slađan Ilić, Žarko Vujović, Mladen Simić, Goran Bulajić, Daliborka Milović, Branka Cvijetić, Ljubinka Atanasijević, Vesna Saradžić, Dragica Suša, Zora Dujmović, Miroslav Mitrović, Smiljana Viteškić, Vedrana Vujović, Miomirka Melank, Jelena Pekić, Igor Stojanović, Kristina Petrović, Dragana Damjanović, Duško Radun, Goran Broćeta i Nikola Materić.

Delegati iz reda Ostalih: Senita Handukić, Sandra Imširović, Halil Selimbašić, Almir Babajić, Arman Zalihić, Sanela Klarić, Nihad Uk, Albin Zuhrić, Kenan Magoda, Vibor Handžić, Belma Kapo.

U raspravi niko nije učestvovao.

Predsjedavajući je potom stavio na glasanje Zaključak, odnosno Izvještaj Privremene mandatno-imunitetske komisije sa Zaključkom da će Dom naroda Parlamenta Federacije BiH gospodinu Milanu Ševi verifikovati mandat u nastavku Konstituirajuće sjednice budući da je opravdano odsutan.

Na osnovu rezultata glasanja, predsjedavajući je konstatovao da je Dom naroda, sa 74 glasa za, bez suzdržanih i bez glasova protiv, prihvatio ovaj Zaključak, te istakao da su ovim delegati na osnovu člana 260. Poslovnika o radu Doma naroda nakon verifikacije mandata i polaganja zakletve stekli sva prava i dužnosti delegata u Domu naroda.

Predsjedavajući je nakon toga dao pauzu od sat vremena kako bi se pristupilo konstituiranju klubova naroda, biranju predsjednika, odnosno zamjenika predsjednika klubova i predlaganju kandidata za predsjedavajućeg Doma naroda i potpredsjedavajućeg Doma naroda.

Predsjedavajući je također napomenuo delegate na obavezu nominiranja kandidata za predsjednika i potpredsjednike Federacije i da je te nominacije potrebno predati na protokol Doma naroda, odnosno Ured predsjedavajućeg, kako bi mogle biti blagovremeno prosljeđene Centralnoj izbornoj komisiji na daljnje postupanje i provjere.

Nakon pauze od sat vremena prešlo se na 4. tačku dnevnog reda.

#### **4. Izbor privremenih radnih tijela Doma naroda:**

- a) Privremene komisije za izbor i imenovanja Doma naroda Parlamenta Federacije Bosne i Hercegovine,**
- b) Privremene administrativne komisije Doma naroda Parlamenta Federacije Bosne i Hercegovine**
- c) Privremene Zakonodavno-pravne komisije Doma naroda Parlamenta Federacije Bosne i Hercegovine,**
- d) Privremenog odbora za ekonomsku i razvojnu politiku, finansije i budžet Doma naroda Parlamenta Federacije Bosne i Hercegovine,**

Predsjedavajući je obavijestio prisutne da su u vrijeme pauze konstituisani klubovi naroda te su izabrani predsjednici i zamjenici klubova, i to; u Klubu srpskog naroda za predsjednika Kluba izabran je gospodin Igor Stojanović, a za njegovu zamjenicu gospođa Vesna Saradžić. U Klubu delegata bošnjačkog naroda za predsjednika Kluba izabran je gospodin Muamer Zukić, a za zamjenika predsjednika gospodin Mirnes Bašić te u Klubu delegata hrvatskog naroda, za predsjednika Kluba gospodin Damir Džeba, a gospodin Ivo Tadić za njegovog zamjenika.

**a) Izbor Privremene komisije za izbor i imenovanja Doma naroda Parlamenta Federacije Bosne i Hercegovine,**

U Privremenu komisiju za izbor i imenovanje Doma naroda Parlamenta Federacije BiH predloženi su: za predsjednicu Vesna Saradžić, za zamjenika predsjednice Oliver Soldo te za članove Damir Šišić, Nezim Alagić, Slađan Ilić, Ivan Ivić i Nihad Uk.

U raspravi niko nije učestvovao.

Na osnovu rezultata glasanja, predsjedavajući je konstatovao da je Prijedlog za imenovanje Privremene komisije za izbor i imenovanja Doma naroda Parlamenta Federacije BiH dobio potrebnu većinu sa 66 izaslanika glasova za, tri suzdržana glasa i bez glasova protiv.

**b) Izbor privremene administrativne komisije Doma naroda Parlamenta Federacije Bosne i Hercegovine**

U Privremenu administrativnu komisiju predloženi su: Tomislav Martinović, predsjednik, Senad Alić, zamjenik predsjednika, i članovi/ice Ivo Tadić, Fatima Gavrankapetanović, Goran Bročeta, Miomirka Melank i Sanela Klarić.

U raspravi niko nije učestvovao.

Na osnovu rezultata glasanja, predsjedavajući je konstatovao da je Prijedlog za izbor Administrativne komisije Doma naroda prihvaćen sa 69 glasova za, jedan suzdržan glas i bez glasova protiv.

**c) Izbor Privremene zakonodavno-pravne komisije Doma naroda Parlamenta Federacije Bosne i Hercegovine**

U Privremenu zakonodavno-pravnu komisiju Doma naroda Parlamenta Federacije BiH, predloženi su: za predsjednika Haris Zahiragić, za zamjenika Mladen Simić, i za članove/ice Kemal Ademović, Žarko Vujović, Ivica Pavković, Mladen Šarić i Belma Kapo.

U raspravi niko nije učestvovao.

Na osnovu rezultata glasanja, predsjedavajući je konstatovao da je Prijedlog za izbor Privremene zakonodavno-pravne komisije prihvaćen sa 69 glasa za, dva suzdržana i jednim glasom protiv.

**d) Izbor Privremenog odbora za ekonomsku i razvojnu politiku, finansije i budžet Doma naroda Parlamenta Federacije Bosne i Hercegovine,**

U Privremeni odbor za ekonomsku i razvojnu politiku, finansije i budžet Doma naroda Parlamenta Federacije BiH predloženi su: Hikmet Hodžić, predsjednik, Ilija Nakić, zamjenik predsjednika, Amra Babić, Anto Bilić, Jelena Pekić, Goran Bulajić, Arman Zalihić, članovi/ice.

U raspravi niko nije učestvovao.

Na osnovu rezultata glasanja, predsjedavajući je konstatovao da je Prijedlog za izbor Privremenog odbora za ekonomsku i razvojnu politiku, finansije i budžet Doma naroda Parlamenta Federacije dobio potrebnu većinu sa 64 glasa za, jedan suzdržan i bez glasova protiv.

Predsjedavajući je potom zamolio članove Privremene komisije za izbor i imenovanja da se nakratko sastanu kako ne bi pravili pauza u radu sjednice.

**5. a) Izbor predsjedavajućeg Doma naroda Parlamenta Federacije Bosne i Hercegovine**

**b) Izbor potpredsjedavajućeg Doma naroda Parlamenta Federacije Bosne i Hercegovine,**

Nakon kraćeg sastanka, predsjednica Privremene komisije za izbor i imenovanja Vesna Saradžić saopštila je da komisija na osnovu pristiglih kandidatura predlaže Domu naroda sljedeće prijedloge:

- U ime Kluba delegata hrvatskog naroda za predsjedavajućeg Doma naroda Parlamenta Federacije BiH kandidovan je gospodin Tomislav Martinović;
- U ime Kluba delegata srpskog naroda za potpredsjedavajućeg Doma je kandidovan gospodin Slađan Ilić;
- U ime Kluba delegata Bošnjačkog naroda u Domu naroda Parlamenta Federacije BiH za potpredsjedavajuću je kandidovana gospođa Aida Obuća;
- Delegat Nezim Alagić kandidovao je gospodina Izena Hajdarevića za potpredsjedavajućeg Doma naroda;

Saradžić je naglasila da su pristigle kandidature u skladu sa Poslovníkom Doma naroda.

U raspravi su učestvovali Haris Zahiragić, Nezim Alagić, Damir Džeba, Goran Broćeta, Aida Obuća, Muamer Zukić, Žarko Vujović, Igor Stojanović i Dževad Hadžić.

Predsjedavajući je nakon toga stavio na glasanje prijedlog da se za predsjedavajućeg Doma naroda Parlamenta FBiH imenuje Tomislav Martinović.

Na osnovu rezultata glasanja, predsjedavajući je konstatovao da je ovaj prijedlog odluke prihvaćen sa 67 glasova za, dva suzdržana i pet glasova protiv.

Predsjedavajući Tomislav Martinović zahvalio se delegatima na izboru za predsjedavajućeg Doma naroda Parlamenta FBiH.

Predsjedavajući je potom stavio na glasanje prijedlog da se za potpredsjedavajućeg Doma naroda Parlamenta FBiH imenuje gospodin Slađan Ilić.

Na osnovu rezultata glasanja, predsjedavajući je konstatovao da je ovaj prijedlog dobio potrebnu većinu, sa 65 glasova za, tri suzdržana glasa i sedam glasova protiv.

Predsjedavajući je potom stavio na glasanje prijedlog da se za potpredsjedavajuću Doma naroda Parlamenta FBiH imenuje gospođa Aida Obuća iz reda bošnjačkog naroda.

Na osnovu rezultata glasanja, predsjedavajući je konstatovao da ovaj prijedlog nije dobio potrebnu većinu, sa 24 glasa za, 40 suzdržanih i 11 glasova protiv.

Muamer Zukić, predsjednik Kluba delegata bošnjačkog naroda je zatražio pojedinačno izjašnjavanje.

Sekretar Doma naroda Izmir Hadžić je izvršio pojedinačno izjašnjavanje.

Na osnovu rezultata pojedinačnog izjašnjavanja, predsjedavajući je konstatovao da ovaj prijedlog nije dobio potrebnu većinu, sa 25 glasova za, 53 suzdržana glasa i jednim glasom protiv.

U skladu sa članom 35. Poslovnika o radu doma naroda Parlamenta FBiH za poziciju predsjedavajućeg Doma iz reda bošnjačkog naroda kandidiran je i Izen Hajdarević.

Na osnovu rezultata glasanja, predsjedavajući je konstatovao da je ovaj prijedlog dobio potrebnu većinu sa 50 glasova za, 11 suzdržanih glasova i 15 glasova protiv.

Prije prelaska na posljednju tačku dnevnog reda, Domu naroda su se obratili izabrani potpredsjedavajući iz redova srpskog i bošnjačkog naroda, Slađan Ilić i Izen Hajdarević, te tom prilikom zahvalili delegatima na ukazanom povjerenju.

## **6. Izbor delegata u Dom naroda Parlamentarne skupštine Bosne i Hercegovine**

Članom 4. Ustava BiH utvrđeno je da Dom naroda Parlamentarne skupštine BiH ima 15 delegata, od kojih su dvije trećine iz Federacije BiH uključujući pet Hrvata i pet Bošnjaka i jedna trećina iz RS-a - pet Srba.

U Domu naroda Parlamenta FBiH hrvatski delegati biraju hrvatske delegate, a bošnjački delegati biraju bošnjačke delegate iz FBiH u Dom naroda Parlamentarne skupštine BiH.

Predsjedavajući je uvažio prijedlog Nezima Alagića da se kandidatske liste predaju najkasnije 18.1.2023. godine do 12:00 sati.

Predsjedavajući je time zaključio rad sjednice i najavio da će nastavak sjednice najvjerojatnije biti 27.1.2023. godine te da bi tada trebali raspravljati o dokumentima vezanim za budžet i finansijske planove.

Sjednica je prekinuta u 17 sati i 8 minuta.

\*\*\*

Transkript sjednice čini sastavni dio Zapisnika.

\*\*\*

### **Nastavak sjednice od 27.1.2023. godine**

Sjednica je počela sa radom u 13:37 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije BiH.

Predsjedavajući je pozdravio predsjednika i članove Vlade, sve goste koji prate sjednicu, također i one koji prate sjednicu putem YouTube kanala.

Prema evidenciji Stručne službe sjednici prisustvuje 77 delegata što čini većinu, pa Dom Parlamenta Federacije BiH može raditi i punovažno odlučivati.

Predsjedavajući je istakao da će se prije prelaska na rad na osnovu Zaključka usvojenog u prvom dijelu Konstituirajuće sjednice pristupiti verifikaciji mandata delegatu Milanu Ševi, koji iz opravdanih razloga zbog smrtnog slučaja u porodici nije mogao prisustvovati sjednici od 17.1.2023. godine.

Predsjedavajući je konstatovao da je u skladu sa članom 260. Poslovnika o radu nakon verifikovanja mandata i davanja svečane zakletve delegat Milan Ševo stekao prava i dužnosti delegata u Domu naroda Parlamenta Federacije BiH.

Predsjedavajući je podsjetio delegate da je preostala tačka:

#### **6.Izbor delegata u Dom naroda Parlamentarne skupštine BiH**

Centralna izborna komisija dostavila je 13 kandidatskih listi radi ovjere.

Kandidatske liste dostavili su sljedeći:

- Kandidatska lista - predlagatelj Tomislav Martinović za nominaciju kandidata iz reda hrvatskog naroda,



- Kandidatska lista - predlagač Mandić Tomislav za nominaciju kandidata iz reda hrvatskog naroda,
- Kandidatska lista - predlagač Ilija Nakić za nominaciju kandidata iz reda hrvatskog naroda,
- Kandidatska lista - predlagač Ivo Tadić za nominaciju kandidata iz reda hrvatskog naroda,
- Kandidatska lista - predlagač Damir Marjanović za nominaciju kandidata iz reda hrvatskog naroda,
- Kandidatska lista - predlagač Ivan Odak za nominaciju kandidata iz reda hrvatskog naroda,
- Kandidatska lista - predlagač Marina Mujkanović za nominaciju kandidata iz reda hrvatskog naroda,
- Kandidatska lista - predlagač Emir Dautović za nominaciju kandidata iz reda bošnjačkog naroda,
- Kandidatska lista - predlagač Narod i pravda za nominaciju kandidata iz reda bošnjačkog naroda,
- Kandidatska lista - predlagač Irfan Čengić i Dževad Hadžić za nominaciju kandidata iz reda bošnjačkog naroda,
- Kandidatska lista - predlagač Haris Zahiragić za nominaciju kandidata iz reda bošnjačkog naroda,
- Kandidatska lista - predlagač Muamer Zukić za nominaciju kandidata iz reda bošnjačkog naroda i
- Kandidatska lista - predlagač Amir Orlović za nominaciju kandidata iz reda bošnjačkog naroda.

Centralna izborna komisija je dostavila akt kojim je obavijestila Dom naroda da su navedene liste ovjerene od iste.

Predsjedavajući je podsjetio prisutne da svaki delegat bošnjačkog, odnosno hrvatskog, kluba u Domu naroda Parlamenta Federacije BiH daje jedan glas za listu kandidata za izbor bošnjačkih, odnosno hrvatskih, delegata u Dom naroda Parlamentarne skupštine BiH te pozvao predstavnika Privremene komisije za izbor i imenovanje da podnese izvještaj kao i da delegatima detaljno pojasni proceduru izbora.

Vesna Saradžić, predsjednica Privremene komisije za izbor i imenovanja obratila se Domu naroda te istakla da je Komisija razmatrala odluke Centralne izborne komisije BiH o ovjeri kandidatskih listi i kandidata za izbor delegata u Dom naroda PSBiH iz Federacije Bosne i Hercegovine i na osnovu toga izložila Domu naroda sljedeći:

#### IZVJEŠTAJ

Na osnovu člana 2. tačka 9. stav 1. tačka 6., a u vezi sa članom 9. tačka 12c. Izbornog zakona BiH i člana 8. stav 1. Uputstva o postupku provođenja posrednih izbora za organe u BiH obuhvaćenih Izbornim zakonom Bosne i Hercegovine, Centralna izborna komisija BiH je na 8. sjednici, održanoj 20.1.2023. godine donijela odluke o ovjeri kandidatskih listi i kandidata za izbor delegata iz Federacije BiH iz reda bošnjačkog i hrvatskog naroda u Dom naroda PSBiH.

Naprijed pomenute odluke o ovjeri kandidatskih listi i kandidata Centralna izborna komisija BiH je nakon ovjere dostavila Domu naroda Parlamenta Federacije BiH.

Članom 6. tačka 9. stav 1. i 2. Izbornog zakona BiH propisano je pravo na žalbu na odluku Centralne izborne komisije BiH Apelacionom odjelu Suda BiH u roku od dva dana od dana prijema odluke. Žalba se podnosi preko Centralne izborne komisije BiH. Dom naroda Parlamenta Federacije BiH dostavio je dana 20.1.2023. godine sve odluke ovjerene od strane Centralne izborne komisije BiH predlagačima zbog ostvarivanja prava na žalbu i nije obaviješten o žalbama na iste.

Dom naroda Parlamentarne skupštine BiH sastoji se od 15 delegata od kojih su dvije trećine iz Federacije BiH, uključujući pet Hrvata i pet Bošnjaka.

Bošnjačke odnosno hrvatske delegate u Dom naroda PSBiH iz Federacije BiH bira Klub delegata bošnjačkog odnosno Klub delegata hrvatskog naroda u Domu naroda Parlamenta Federacije BiH.

Delegati iz reda bošnjačkog i hrvatskog naroda u Domu naroda PF BiH biraju delegate iz svog konstitutivnog naroda. Glasanje se vrši na glasačkom listiću čiji izgled i sadržaj utvrđuje Centralna izborna komisija BiH, a koji je sastavni dio Uputstva o postupku provođenja posrednih izbora za organe vlasti u BiH obuhvaćenih Izbornim zakonom BiH.

Ukoliko je predloženo više kandidatskih listi redosljed na glasačkom listiću utvrđuje Dom naroda PF BiH. Privremena komisija za izbor i imenovanja obavila je žrijebanje ovjerenih kandidatskih listi za utvrđivanje redosljeda na glasačkom listiću u prisustvu zainteresovanih predlagača. Nakon obavljenog žrijebanja utvrđen je sljedeći redosljed na glasačkim listićima:

Glasački listić za izbor delegata iz Federacije BiH u Dom naroda PSBiH iz reda hrvatskog naroda glasi: kandidatska lista Mujkanović Marine, kandidatska lista Ivana Odaka, kandidatska lista Nakić Ilije, kandidatska lista Tadić Ive, kandidatska lista Damira Marjanovića, kandidatska lista Martinović Tomislava i kandidatska lista Mandić Tomislava.

Glasački listić za izbor delegata iz Federacije BiH u Dom naroda PSBiH iz reda bošnjačkog naroda glasi: kandidatska lista Zukić Muamera, kandidatska lista Zahiragić Harisa, kandidatska lista Irfana Čengića i Dževada Hadžića, kandidatska lista Dautović Emira, kandidatska lista Narod i pravda i kandidatska lista Orlović Amira.

Kompletan izborni materijal, uključujući glasačke listiće, biračke spiskove, Izvještaj Privremene komisije za izbor i imenovanja i Zapisnik sa glasanja, Dom naroda Parlamenta FBiH dostavit će Centralnoj izbornoj komisiji BiH na potvrđivanje i konačnu raspodjelu mandata u skladu sa članom 15. Uputstva.

Nakon obavljene rasprave, Privremena komisija za izbor i imenovanja usvojila je sljedeći:

## ZAKLJUČAK

Komisija smatra da je postupak podnošenja i ovjere kandidatskih lista i kandidata za Dom naroda Parlamentarne skupštine BiH proveden u skladu sa Izbornim zakonom BiH i Uputstvom o postupku provođenja posrednih izbora za organe vlasti u BiH obuhvaćenih Izbornim zakonom BiH te nakon obavljenog žrijebanja

predlaže Domu naroda Parlamenta Federacije BiH da usvoji ovaj izvještaj kako bi delegati mogli pristupiti glasanju za Dom naroda Parlamentarne skupštine BiH.

U raspravi je učestvovao Muamer Zukić.

On je zatražio pauzu od sat vremena, u ime Kluba delegata bošnjačkog naroda. Nakon pauze pristupilo se glasanju o Izvještaju Privremene komisije za izbor i imenovanja.

Na osnovu rezultata glasanja, predsjedavajući je konstatovao da je Dom naroda sa 70 glasova za, bez suzdržanih i bez glasova protiv, prihvatio Izvještaj Privremene komisije za izbor i imenovanje Doma naroda Parlamenta FBiH.

Predsjedavajući je konstatovao sljedeće:

Kandidatska lista iz reda bošnjačkog naroda:

- Zukić Muamer - četiri glasa,
- Zahiragić Haris - četiri glasa,
- Orlović Amir - četiri glasa,
- Narod i pravda - četiri glasa,
- Irfan Čengiđ i Dževad Hadžić - tri glasa i
- Dautović Emir - četiri glasa.

Kandidatska lista iz reda hrvatskog naroda:

- Damir Marjanović - tri glasa,
- Ivo Tadić - dva glasa,
- Ilija Nakić - četiri glasa,
- Martinović Tomislav - četiri glasa,
- Mandić Tomislav - četiri glasa,
- Ivan Odak - četiri glasa i
- Marina Mujkanović - dva glasa.

Sjednica je završena u 15:35 sati.

\*\*\*

Transkript sjednice čini sastavni dio Zapisnika.

\*\*\*

SEKRETAR  
Izmir Hadžiavdić

PREDSJEDAVAJUĆI  
Tomislav Martinović